

DEO OPTIMO MAXIMO VNI ET TRINO, VIRGINI DEIPARÆ,
ET SANCTO LVCAE, ORTHODOXORVM MEDICORVM PATRONO.

QVÆSTIO MEDICA.
QVOD LIBETARIIS DISPVATIONIBVS MANE DISCVTIENDA
IN SCHOLIS MEDICORVM, DIE IOVIS XVII. DECEMBRIS
M. IOANNE BAPTISTA MOREAV, Doctore Medico, Præside.

An formosa fecundiores?

981

FOECVNDITATIS & formæ nec diuersa natalia nec dissimilia principia, vnam integram & illibatam valetudinem velut vmbrae solem sequuntur. Illa secunda fascini & magici carminis æternitati consulit & hominum propagationi, quorum generatio non est spontanea, sed ex mutuo maris & fœminæ concursu perficitur. Vtriusque aut alterutrius sterilitate perit beata illa generis humani custos fecunditas. Nec omnis tellus quævis semina concipit licet frugifera, neque ex quouis accepto semine genitalis ager fecundatur. Nisi ambo æquis iustisque conditionibus congregiantur, irrita fiunt connubia, salutaribus etiam astris inita. Vna sæpe salus à Medicina venit, quæ instar obstetricis Socraticæ diffidentia viri & mulieris temperamenta remotis impedimentis conciliat.

FOECVNDITATIS spes & ratio in optimâ constitutione & integritate viscerum principum posita est, à quibus prolifici feminis procreandi vis influit in genitalia. Par in virili & muliebri sexu ad generandum *instituta*; in sequiori apparatus maior, nam & commodat vtrumque principium & exceptum promouet, fœtum alit & feliciter excludit. Cùm specie non differant, inter se tamen commutari non possunt, nec in hermaphroditum commisceri. Fœcunda mulier est, non quæ plures fœtus vno partu, sed quæ sapius vnum vitalem educat. Monstrum est *παλυνία* cùm gemellos exuperat. Exploranda fecunditas, non in unctis croco oculorum angulis, non suffitu, sed accuratâ totius corporis temperie & speciosâ ac decorâ compositione.

PVLCHRITVDO flos & lumen corporis, blanda & momentanea tyrannis, amoris illecebra, singulare & maximè proprium muliebris naturæ ornamentum, non definitur harmoniâ, magnitudine corporis, aut commensuratione, sed aptâ & salubri partium omnium positione, laudabili *ὡμότης*, eleganti coloris suauitate exornatâ. Est quidem in toto corpore, sed in vultu præsertim lucet, qui vt morum index, & speculum humorum, ita vniuersi corporis norma & amulsis, cùm ex eius commodatione cæterarum partium ambitus & numeri constant. Totus homo in vultu est, & in eo cuiusmodi per sanitatem & in valetudinem futurus sit, legitur. Protei tamen instar colorem mutat pro variâ temporum, temperatum & perturbationum animi ratione.

ESTNE pulchritudo *ἀδελφότης βασιλεία*? minimè gentium. Quocunque se vertit sequuntur gratiæ, veneres, cupidines, sales. Nusquam est sine ingenio & animi lepore. Adstant virtutes, pudor, temperantia, pudicitia, *καταστοιχία*. Cùm spectatissima est suauissimus existit humorum concentus & laudatissima temperies. Ita sanguis spiritu cæterisque humoribus diluitur, vt permixta rosis lilia dixeris: Floridum est corpus, pulposum, molliculum, delicatum, & velut ad tornum circumque delibratum. Explendescit ubique, in oculis vibrantissima, quibus inest vis fascini amatorij, quo instar basilisci intuentes sæuo cupidine venenant. Cùm deest temperamenti benignitas frustra conciliandæ formæ queruntur colorum lenocinia. Nusquam fucus aut psimmythus Hecubam effecerint Helenam.

EX floridioribus plantis speranda vberior fructuum copia, vt ex mulieribus specie & forma florentibus numerosa soboles expectatur. Non alius formæ quàm fecunditatis apparatus, principum partium optima *θέσις*, externarum gratissimus decor, mensui sanguinis tempestiue reciprocationes, membrorum genitalium constitutio inculpa concipiendo, fouendo, alendo fœtui. Quò salubrius viuatur eò fuerit pulchritudo venustior, seminis elaboratio perfectior, valetudo fœtus integrior. Plerumque superueniente fœturâ forma intenditur, extenuatur sterilitate. Caue *λαγνεία* confundas cum fecunditate & cum pulchritudine *παλυνεία*. Salacitate steriles fiunt uteri & carniū mole fecunditas obruitur. Tam conciliatur amor formæ, quàm amore fecunda redduntur connubia. Vis verbo? vt temperatiores formosæ, sic generandæ proli meliores.

Ergo formosa fecundiores.

Proponebat Lutetiæ IOANNES DE BOVRGES, Parisinus. A. R. S. H. M. DC. XLVIII.

DOMINI DOCTORES DISPVATVRI

M. Nicolaus Richard.
M. Petrus le Mercier.
M. Claudius Guerin.

||

M. Petrus Tuelin. M. R. & Sch. Pr.
M. Mathurin Denyau.
M. Franciscus le Vignon.

||

M. Iacobus Iouin.
M. Hermannus de Lannay.
M. Philippus Harduin de S. Jacques.

